

射干鼠粘子湯

七七

治痘瘡壯熱大便堅實或口舌生瘡咽

喉腫痛皆餘毒所致

鼠粘子

四兩  
炒杵

甘草

炙

升麻

射干

各一兩

右每服三錢水一大盞煎六分徐徐溫服

薛氏曰前方若痘疹初出發熱熾痛根盤赤盛或咽喉口舌

疼痛作渴引飲者宜用若因胃氣虛弱發熱而致前症者宜

人參麥門冬散

錢氏獨聖散

七八

治痘瘡倒靨陷伏

用川山甲取前足嘴上者燒存性爲末每服四五分以木香

湯入少酒服之或紫草湯亦可

無價散

七九

治一切痘瘡倒陷焦黑危急之症

人牙

猪牙

狗牙

猫牙

右以炭火燒去烟存性等分爲末每服三分熱酒調下○如  
痒瘍寒戰泄瀉煎異功散調下○一方人牙散只用人牙燒  
去烟存性爲末酒調服

三酥餅

八十

治初發熱用以表汗解毒稀痘神效

辰砂

擇上好明淨無砂石者以絹囊盛之用麻黃升麻

紫草荔枝殼同煮一日夜研細仍用前湯飛過晒乾再

研極細用真蟬酥另調作餅子

麻黃 去節湯泡過晒乾爲極細末亦用蟬酥另調作餅  
紫草 研極細亦用蟬酥另調作餅

蟬酥 於端午日捉蟬取酥捻煎三餅每餅加射香少許  
微炒

右方如遇時行痘疹小兒發熱之初每三歲者將三餅各取  
半分熱酒化下蓋覆出汗如不能飲酒用敗毒散煎湯化下  
更好○若痘已出滿頂紅紫色爲熱毒之盛宜煎紫草紅花  
湯或化毒湯將辰砂紫草二餅調下少許以解之但痘出之

後不可服麻黃餅也蓋辰砂能解毒紫草涼心火製過亦能發痘解毒麻黃能發表發痘蟬酥能驅臟腑中毒氣從毛腠中作臭汗而出此四藥誠解毒稀痘之神方也

神應奪命丹 八一 治風邪倒陷及痘毒入裏

辰砂 擇墻壁鏡面者以白紗囊盛之用升麻麻黃紫草

連翹四味同入砂罐以新汲水桑柴火煮一晝夜取出

將砂研細仍將煮砂藥汁去滓飛取末待乾聽用二錢

麻黃 連根節酒蜜 蟬蛻 洗淨去 紫草 酒洗 紅花子 五分

穿山甲 酒炒 真蟬酥 三分 五分

右共研細末用醋酒杵丸分作千粒周歲者半丸二歲者一丸服止三丸熱酒化服厚蓋取汗汗出痘隨出也擇天醫生

炆日修合 此方與三酥餅功同

萬氏奪命丹 八二 治倒陷解發痘毒

麻黃 蜜酒炒 升麻 各五錢 山豆根 紅花子

大力子 連翹 各二錢 蟬蛻 紫草

人中黃 各三錢

右研細末酒蜜和丸辰砂爲衣薄荷葉煎湯下

東垣涼膈散 八三 解痘疹囊熱良方

黃芩

連翹 為君

甘草

梔子

薄荷

桔梗

竹葉

右水煎服

退火丹 八四

治痘中狂妄神方

滑石

硃砂

飛各一錢

冰片

三厘

共為細末冷水調一分服得睡少時神安氣寧痘轉紅活矣

陳氏通關散 八五

通心經降心火利小便良方

山梔仁

大黃

妙各一分

木通

甘草

炙

車前子

炒

赤茯苓

人參

瞿麥

滑石 各三分 扁蓄 炒五分

右用水一盞燈草十根煎半盞溫服

玄參地黃湯 八六

治痘疹衄血

玄參

生地黃

牡丹皮

梔子仁 各錢半

甘草

升麻 各半錢

白芍藥 一錢 蒲黃 炒五分

水一鍾煎七分溫服○愚謂此方宜去升麻以塞上衝之源

勿謂但屬陽明即宜用升麻也

萬氏清肺飲 八七

治肺熱喘嗽聲啞

麥門冬

桔梗 各二錢

荊芥穗

天花粉

知母 各一錢

石菖蒲

訶子仁 各八分

右水煎服○此當與清肺湯參用方在後一四五

導赤通氣散

八八

治心虛聲不揚者

木通

生地黄

人參

麥門冬

當歸身

石菖蒲

甘草

右加燈心水煎服

甘桔清金散

八九

治肺熱咽痛聲不清

桔梗

一兩

甘草

連翹

各半兩

訶子皮

三錢

牛旁子

炒七錢

右爲細末每服一錢薄荷葉少許同煎服

加味甘桔湯 九十 咽喉腫痛暫用

桔梗 八分 甘草 錢二分 牛蒡子 射干 各六分

防風 玄參 各四分

水一鍾煎服或加生薑一片○熱甚者加黃芩去防風亦可

大如聖飲子 九一 治瘡疹痘毒攻咽隘腫痛熱渴或成腫毒

不消等證

桔梗 甘草 鼠粘子 炒各一兩 麥門冬 五錢

右每服二錢水煎

萬橘皮湯 九二

行滯消痰止嘔吐

橘皮

半去白  
炒二錢

半夏 一錢

白茯苓 錢半

右加生薑三片水一盞煎七分溫服

勻氣散 九三

行氣化滯

木香

青皮 各五錢

山楂肉 二錢半

右爲末每服一錢甘草湯調服

前胡枳殼湯

九四

治痰實壯熱胸中煩悶大便堅實臥則喘

急

前胡

一兩

枳殼

赤茯苓

甘草 炙

大黃 各半兩

右咬咀每服三五錢水一大盞煎至六分不拘時溫服此方  
宜量大小加減如身溫脈微并瀉者不可服

薛氏曰前症若屬肺胃實熱氣鬱痰滯大便秘結小便赤澀  
煩渴飲冷身熱脈實者宜用之以疎通內臟使邪無壅滯則  
痘瘡輕而易愈也

當歸丸 九五

治便堅三五日不通者

當歸 半兩

紫草 三錢

黃連 錢半炒  
炙甘草 一錢

大黃 二錢半

右以當歸紫草熬成膏下三味研爲細末以膏和爲丸如胡椒大三歲以下兒服十九七八歲兒二十丸食前清米飲下漸加之以和爲度

百祥丸 九六

治痘瘡紫黑乾陷熱毒便秘裏實等症紅芽大

戟不拘多少用漿水煮極軟去骨日中曬乾復內原汁中煮汁盡焙乾研末水丸粟米大每服一二十丸研赤芝麻湯下

棗變百祥丸 九七

治同前而稍緩可代百祥丸

紅芽大戰

去骨一副

青州棗肉

三十個

右用水一碗同煎至水盡爲度去大戰不用將棗焙乾可和

作劑或搗爛為丸從少至多以木香湯吞服至利為度

排毒散 九八

治痘毒發癰

大黃

當歸稍

各一兩

白芷

沉香

木香

各半兩

穿山甲

七片土炒

右為細末看虛實大小加減長流水煎沸調服

錢氏 苦參丸 九九

治痘後潰爛瘡毒疥癩

苦參

一兩

白蒺藜

何首烏

牛旁子

荊芥穗

各半兩

右為末酒調麵糊為丸竹葉湯下○外科苦參丸見本門八

八

稀痘方 百

用老鼠去皮取肉水煮熟量兒大小與食數次出痘甚稀未食葷時與食尤效屢試屢驗

稀痘酒 百一 最能散毒稀痘

麻黃 去節泡 紫草 各二兩

右二味細切布囊盛之浸無灰酒一小壺泥封固此遇天行小兒發熱時與半杯或一杯量兒大小服之出微汗為佳

三痘湯 百二 痘發時預服之

大黑豆

赤小豆

綠豆 等分淘淨

右用甘草浸水去渣以甘草水煮豆熟爲度逐日空心任意飲其汁自然出少○此方冬月煮熟令兒常食豆尤妙

絲瓜湯 百三

解瘡毒○一方無山查

絲瓜

升麻

芍藥 酒炒

生甘草

山查

黑豆

赤小豆

犀角 鎊等分

右爲粗散每服三錢水一大盞煎至六分不拘時徐徐溫服量大小加減

辰砂散 百四

預解痘毒

好辰砂一錢飛老絲瓜近蒂三寸連子燒灰存性此物發痘瘡最好

右研末蜜水調服多者可少少者可無或以紫草甘草湯調

服尤佳

保嬰丹百五稀痘

纏豆藤或黃豆或綠豆梗上纏繞細紅藤是也於八月生熟日擇取陰乾聽用二兩

防風

荊芥穗

牛旁子炒

紫草茸去根酒浸一兩

新升麻鹽水炒

甘草去皮各五錢

天竺黃真者三錢

蟬酥真者一錢

牛黃真者一錢

赤小豆

黑豆

綠豆各三十粒畧炒勿焦

好硃砂

用麻黃紫草荔枝殼升麻同煮過復以此汁飛過三錢

右另用紫草二兩入水二碗煎膏至少半碗入沙糖一小鍾  
將前各藥爲細末同紫草膏丸如李核大卽以硃砂爲衣於  
未痘之先濃煎甘草湯每磨服一丸大者二丸若已發熱用  
生薑湯磨服蓋被睡而表之多者可少少者可無大有神效  
○一方無紫草茸仍有經霜老絲瓜一箇連藤帶五寸燒存  
性同用

洗肝明目散

百六

治痘後目疾

當歸

羌活

柴胡

蜜蒙花

川芎

防風

木賊

山梔仁